

磁州志卷之九

知州析津蔣 擢重訂

水利

嘗考周禮稻人掌畜水止水蕩水均水舍水瀉
水之事古人教稼精詳其於水利至纖且悉也
厥後鄭國開涇源於關中李冰鑿離堆於成都
番系引汾水於蒲坂在在皆爲民利不獨漳鄴
之遺烈可師也磁境有龍洞溢源自西徂東浸
淫衍溢治則斥鹵可爲膏腴不治則燠燥淫潦

俱不免矣凡境內新舊諸渠及堤閘之屬惟當
以時修濬庶民享樂利而無汎濫之虞也志水

利

五爪渠

在州西十里許明洪武間知州包宗達於響

水梁村引溢水開渠支分五派溉田種稻宣
德間知州安理重修歲久淤塞隆慶間內修石
橋復開前渠導水北流橋成塞之不固每秋山
水泛漲州北田禾淹沒官途淖滯萬曆六年知
州趙範於州北二十里梁王橋疏渠一帶長千
三百餘丈東通溢河用泄其勢農旅便之歲久
荒塞康熙三十六年知州蔣擢重濬以洩諸溝
渠之水導入溢河至康熙三十九年奉
巡撫都憲李公諱國亮飭興水利遂單騎親詣
五爪渠南北中三渠鼓舞農民大加疏濬復審
視地形詳請於杏園等四村新開渠二道又改

修橙槽築堤以護杜村等四村
泛溢從此西北一帶樂利無窮

新開渠

南二里半鋪出水溝一道自灣漳營東北起
至二里半鋪止長三里半

雙碑口出水溝一道自灣漳營東起至雙碑口
止長三里半

五里鋪南出水溝一道自灣漳營東南王家墳
後起至五里鋪小橋止長三里

南七里鋪李家庄北出水溝一道自李家庄北
起至大路止長半里

李家庄南出水溝一道自李家庄南起至大路
止長半里

南十里鋪郵亭北出水渠一道自十里鋪起至
六里鋪止長四里接入路西溝內

三里屯西出水溝一道由王家庄魏家庄常家
庄之南至滏陽橋東小街止長六里

良方橋南渠一道由小侯召北入滏陽河長二
里半

朱家庄東至龔家墳開渠一道因在中開河西
名爲中開河康熙四十二年北開河又自龔
家墳東北開渠一道名爲朱台庄渠亦稱北開
河新渠由台家庄朱家庄龔家墳長四里
五里舖南往東渠一道自北開河起由馮家庄
小李家庄至大路止長五里
五里舖往東北出水渠一道自甘草營起由馮
家庄王家庄至大路止長五里半
七里舖出水溝一道自大路西起至紀家庄北
止長二里

十里舖西開南北渠一道自十里舖西南起至
十五里舖五爪渠南入大路溝內長四里

十里舖郵亭前渠一道自小營店起由黃官營
南至郵亭止長五里

慶澤新渠一道自十里舖東北常家墳西起至
高臬西止長五里

十里舖北大路西高臬開出水溝一道自五爪
渠東起至大路止長二里

五爪梨西新堤之北出水溝一道自堤北起至十五里鋪止長三里

小光祿等村紅溝一道自小光祿東南起至梁王橋止長七里

小光祿北出水溝一道自小光祿小路起至紅溝止長一里半

十五里鋪出水溝一道自小光祿東起至十五里鋪止長四里

梁王橋往東大溝一道自梁王橋起由杏園營東小琉璃南至下琉璃止長十二里

梁王橋新堤南往東出水溝一道自大路起由開南村至滏陽河止長三里

杜村龍王廟前出水溝一道自杜村南起至大溝止長三里

河北村渠一道自河北村起由城基村北獨村張兒庄止長十四里

屯庄等村出水溝一道自偏關起由南左良鄭家庄至屯庄西入滏陽河止長八里半

左良出水溝一道自南左良至大渠止長一里
高與西新溝一道自北大路至鳳凰渠長半里
永旺村北出水溝一道自大渠起至李家墳前
止長二里六十步以上各溝渠自康熙三十六
七至四十四等年俱
係知州蔣擢新開

甘草營渠一道自三里橋西接水西流至營後
洩水入河長十里

高與村渠一道長百步以舊渠地勢低窪易致
淤積改濬此溝至平坦之處仍歸舊渠

黃官營渠一道長三里接引小營店東渠水由
楊家樓東北流至十里郵亭大路歸於水溝以
上三渠皆係康熙四十七四
十八兩年知州蔣擢續開

閘堰

西閘在州西十二里槐樹村明萬曆十五年知州孫
健初築石爲堰連閘疏渠二道中渠灌漑永旺

等三十三村北渠灌溉曲溝等四村但山水暴漲常高於閘人無所施力衝決之患往往有之至二十二年知州劉安仁增立閘七空又於閘之兩端設立絞椿用之啟板甚便而暴漲始不能爲害後十餘年知州牛維赤倣其意復鑿石以開南渠灌溉東槐樹等十三村三渠遂大爲民利奈歲久漸圯至

國朝

康熙二十一年秋水驟至衝決臺墩閘遂壞知

州任塾重修如故康熙四十四年閘東北崩頽二空啟閉難施三渠農田灌溉無由知州蔣擢集衆議徹底重修閘工完固水利復興

東閘

在州東北二十五里琉璃村近地多斥鹵明崇

禎八年知州李爲珩循視阡陌相度地勢指曰此處豈不可又建一閘乎因倣西閘之制造爲東閘引水分渠灌溉閘南等二十村教民種稻兼雜植蓮藕遂爲一境之勝由是歲加修葺至

國朝

順治三年永郎爭水經河北道蘇勘明勒石

滋州志

卷之九 水利

四

於車騎關康熙十一年廣平鹽商韓永昌等借
開阻水涸爲詞具控鹽院批廣彰二府會議
又登經院道批查知州趙纘詳具滏水源流
建開始末蒙都院佟批滏水之開旣建自
故明萬曆十五年其來已久且稱鹽船隨到隨
開竝無阻滯韓永昌等何得妄控如議立石以
杜爭端遂立石於東開至十三年永邯復詳
鹽院拉歷經會議確勘至十四年蒙鹽院
賀批詳滏河之水原屬磁境建開已久無庸
爭執况稱船到開開遠近皆可接濟是亦商民
兩便旣經撫院批示如議立石兩郡士民毋
再嘵嘵妄啟爭端詳載滏開紀事至二十七年
永年縣舉貢李莞等復以違例建開控直隸撫
院于咨豫省委官會勘知州朱廷相登經詳
辦始得結案

事詳原卷

附開規

西開老人夫名規例與東
開同但無科斂賣水之弊

康熙三十九年知州蔣擢查訪東閘奸民許鉷
戀充老人竟不更換且科斂各村工食賣水放
船隨經責革立規勒石

一管閘老人一名耑管閘上夫役司蓄洩啟閉之
事以本地有田業之人輪流報充分所當然不
用工食定於每年開印後舊老
人卽報新老老人更換勿得違悞

一閘夫六名耑管下板蓄水提板洩水亦係新老
人於各村報出每年輪當自二月半起至八月
半止不許擅離閘上每名年年量准給僱價銀
三兩亦於各村派定預備修閘修渠夫三十名
內每名出銀六錢共計銀一十八兩均於八月
初一日送州以憑當堂按名給發取領附卷
一凡修閘修渠之處每年有候用夫三十名據各
村公議按照地畝之多寡預爲派定臨時照依

分數出夫公舉此後永定爲
例不許擅自更張自取究責

一遇春月閉閘下板之時管閘老人赴州稟領封鎖及時固閉若遇溢河水漲老人卽同鄉長赴州稟報以憑差役持籤驗明封鎖啟閘洩水事完卽行封鎖如報遲致淹民田查出將老人鄉長一併重究其客商貨船裝齊聚多老人同船埠亦卽赴州開報以憑差查明開閘放行仍加封鎖如敢仍前藉端需索客商銀錢果有實據許被害之人赴州喊稟以憑拏究

偏閘

在東城橋北屯庄等村每遇陰雨連綿溢水汎溢則有淹沒之患一逢亢暘將咫尺自然之利聽其長洩入邯近地之民困累已久康熙四十年知州蔣擢建閘一座以資蓄洩引水分渠灌漑屯庄南北左良鄭家庄吳家庄五村民田復築堤一道以禦東南倒瀉之水由是五村得安始無旱澇之虞

東西兩閘之水西常有餘而東每不足一遇旱
曠則狼圪塔營等村之田卽有龜坼之虞康熙
四十七年知州蔣擢淮里民黃簋等呈請於紅
渠上建閘一座閘南引水東流由廣濟橋而歸
大渠之內灌溉狼圪塔營狼圪塔村閘南村王
家庄柳兒營徐家庄琉璃村吳家庄太平庄馬
兒庄東城營鄧家小屯村南豆公北豆公大營
東城橋馬家庄張家庄鄧家庄興盛小營杏園
營二十一村之田又引水北流爲沮家庄黃鼠
二村澆灌旱地之用卽雨暘不時而蓄洩有方
諸村並食其利矣

舊堤

北白道往東堤一道長五里二百二十步寬二
丈高八尺相傳防護漳河不知建於何年無可
攷
州西南固城堤一道長三里一百四十步寬二
丈五尺高八尺相傳程公珦所建以防溢水無
可攷

州東南小堤一道長一里四
步寬二丈五尺高四尺無可攷

新堤

梁王橋南五爪渠西築堤一道長二里寬一丈
高七尺康熙三十八年知州蔣擢創建以防西
南暴漲之水

南左良西築堤一道至大渠止長一里寬七尺
高六尺康熙四十一年知州蔣擢創建以禦東
南豆公等處倒瀉之水

北十里舖以北高輿村地內築堤一道長二里
寬一丈高八尺康熙四十二年知州蔣擢創建
以禦西南各渠餘
水引之歸出水溝

良橋東築堤一道至大渠止長五丈寬三丈
二丈康熙四十八年知州蔣擢建築以受北城
壕之餘水
灌溉民田

橋梁

澄陽橋

一名偃月橋在州南關外跨澄水壘石爲之長十餘丈金泰和間建元至正王辰年修明

正德己卯年知州張珂重修康熙甲申年知州

南津橋

在南門城壕上康熙三十九年知州蔣擢撤去舊板改建石橋豎有碑碣

永濟橋

在州北門口舊架木爲梁屢敗於水明萬曆十三年知州張夢麟改建石橋

東石橋

在州東門外明萬曆三十六年知州趙國璧建國朝康熙十年知州栢成棟重修

雙港橋

在城外西北隅國朝康熙二十三年知州任塾建

艮方橋

在城外東北隅國朝順治十五年知州張瑞午建後爲水衝片磚無存康熙三十八年

知州蔣擢重建豎有碑碣

利濟橋

在城外西北隅通武安大道

廣濟橋

在州北高史渠口康熙三十六年知州蔣擢新建以通南北行人豎有碑碣

梁王橋

在州北二十里舖明正德間鄉民郭有智建

永固橋

在高史鎮傾圮無存康熙三十九年知州蔣擢重修

琉璃橋

在下琉璃村

東城橋

在東城營

林壇橋

在林壇村

尹家橋

在州西五里明天啟間壽官楊尚志建

紙坊村石橋

亦名利濟跨於廣盛泉之上長十八丈有奇康熙三十六年彭城民周尚文劉

璘等創建

濯纓橋

卽北牛河橋在州北三十五里山水峻利惟宜平橋舊有小石橋一座歲久殘缺康熙四

十二年知州蔣擢重建大石平橋一座長五丈寬一丈五尺豎有碑碣

漳河草橋

舊在五吉村每歲九月同安陽臨漳合建夏初則撤後五吉之水分而爲二始下移

於講武城然河身濶幾三百丈歲費金錢萬計國朝順治十一年鄉宦張潛議請改於漁洋口此

處河身窄狹水緩沙停歲可省工料三之二旋

因用兵安塘安陽腰站設於豐樂鎮磁州腰站

設於花村皆於漁洋口之道相左遂復移橋於

上漆垣再移於趙村至康熙二十三年河口衝

決又移於下漆垣其費幾與講武城等二十四

年知州任塾以兵罷撤塘議仍移橋歸於漁洋

口不果康熙二十七年知州朱廷相以每歲分

工搭蓋恐勞逸不均同安臨會商不若挨次輪

修至公至便遂通詳上臺批允遵行永遠爲

例然以前胥吏里棍從中侵蝕每次糜費千金

大爲民累至三十六年輪磁州搭造知州蔣擢親爲設法節省其木料車脚夫役工食之費稽覈明晰絕無中飽而橋工以成自後每當輪修俱以此法行不復如當年之重費矣

磁州志卷之十

知州析津蔣 擢重訂

風土

風俗亦何常之有哉漸摩於聲教者爲風沿習
於流傳者爲俗則是風動於上而俗成於下亦
惟因時而利導之耳磁往時習俗淳樸民習於
耕蓋沃土之民侈瘠土之民勤其勢然也近者
斥鹵猶存而勤劬之習敦厚之風駸駸乎有異
矣操治化者將何以移易之耶若夫民資於食